

ԽՆՈՒՄԻ ԻՆՔՆԱՊԱՇՏՊԱՆԱԿԱՆ ԿՈՒՎՆԵՐԸ ԵՎ ՋԱՐԴԸ
1915 ԹՎԱԿԱՆԻՆ

1915թ. խնուս գավառի ինքնապաշտպանությունը, չկրեց ընդհանուր բնույթ, սակայն այստեղ առանձին գյուղեր փորձեցին ամեն կերպ դիմակայել ջարդարարներին: Այդ մասնակի կոիվները հայ ազատագրական պայքարի հերոսական էջերից էին:

Խնուսի տարագրությունն ու ջարդը, ինչպես և Արևմտյան Հայաստանի մյուս գավառներում և Կիլիկիայում, տեղի ունեցավ թուրք պետական պաշտոնյաների գիտությամբ ու հրահանգով:

Խնուսում հայերի ջարդի ղեկավարներն էին՝ գայմազան Թահիր բեյը, բիթլիսցի Ալի աղան, Հաճի Իսաֆ էֆենդին, Մահմուդ աղայի տղան՝ Շուքրին և էլի մի քանիսը: Ջարդարարներն էին՝ քուրդ համիդիե հեծելազորը, չեթեններն ու քուրդ խուժանը: Սրանց պակաս թողածը լրացրեցին ժանդարմները՝ հիսնապետ Օսման չաուշի գլխավորությամբ (1,269):

1914թ. հուլիսին թուրք կառավարությունը «սեֆեր պերիկը» հռչակեց և սկսեց ընդհանուր զորահավաքը (1,269): Ձորահավաքի ենթարկվեցին նաև Խնուսի քուրդ աշիրեթներից: Ձորակոչված քրդերը համալրեցին համիդիե զնդերի հեծելազորն ու հետևակը: Սրանց հետագայում տեղակայեցին Խնուս Բերդում և Ղարաչոբան, Գովանդուկ, Հարամիկ ու Զավուրմե գյուղավաններում, որտեղի հայ բնակչությունը կառավարության կողմից պարտավորվեց պարենավորել վերջիններին: Սակայն կարճ ժամանակ անց այս զնդերը փոխադրվեցին Կարին-Բասեն-Ալաշկերտ ռազմաճակատը (1,270):

Համիդիե զնդերի պատճառած հարստահարությունից զատ կար նաև «Թեքելիֆի հարպիե» պատերազմից հարկադրված պետական պարտադիր փոխառությունը, որը խստորեն կիրառվում էր հատկապես հայերի վրա. պետական բոլոր տուրքերից բացի, ռազմաճակատ ուղարկելու նպատակով, հայերից պարտադրմամբ վերցնում էին եգ, կով, ոչխար, էշ, զոմէշ, ցորեն, գարի, խոտ, հարդ, գետնախնձոր, կաղամբ, գուլպա, թաթնոց, անկողին, սփռոց, անգամ ձեթ ու ձեթի ճրագ: Սրանց փոխարեն հարկահավաքը հասարակ մի թղթի կտոր էր տալիս (1,271):

Դեկտեմբեր ամսին կազմվեցին «Ամիլիե թապուր» բեռնակիր զնդերը: Այս զնդերի մեջ բռնությամբ ներառվեցին նաև հայ կանայք, որոնք բեռները շալակելով տանում էին Կարին, Բասեն և Ալաշկերտ: Նրանցից շատերը ցոտի, սովի և համաճարակի զոհ դարձան (1,271):

1914թ. աշնանը Խնուսի հայոց վիճակն էլ վատթարացավ. Չխուրցի Մուսա բեյն իր 20000-անոց իրոսակախմբով Բասենի ճակատ գնալու նպատակով, Բուլանուխի վրայով մտավ Խնուս: Խնուսի հայկական բնակավայրերը ավարի ու թալանի ենթարկելուց հետո, նա իր 700 հեծյալներով գնաց և մեկ շաբաթով հաստատվեց Հարամիկ գյուղում(1,272):

Այս ժամանակներում հայերի գլխին որպես հավելյալ պատուհան՝ Խնուս լցվեցին նաև ռուսական ռազմաճակատում պարտություն կրած և փախուստի դիմած քրդերը:

Ռուս-թուրքական պատերազմի օրերին Խնուսի հայերի մեջ իշխում էր հոգեբանական այն համոզմունքը, թե-թուսները շուտով կգրավեն Խնուսը: Այդ իսկ պատճառով տեղի հայերը լուրջ ապստամբության և ինքնապաշտպանության չպատրաստվեցին: Այնուամենայնիվ, որոշակի պատրաստություններ նկատվեցին մի քանի գյուղերում, այն էլ՝ մարտ-ապրիլ ամիսներին, երբ ռուսական առաջխաղացումն այլևս կանգ էր առել և կառավարության դրդումով՝ քրդական ճնշումները հայերի վրա էլ ավելի էին շեշտակի դարձել(1,274):

1915թ. ապրիլին ծանրագույն կացության մեջ հայտնված հայերը գյուղերի երևելիներից մի պատվիրակություն կազմած, տիրող անհանդուրժելի վիճակից ելք գտնելու դիտավորությամբ, գնում են Խնուս Բերդ՝ իշխանություններին դիմելու: Բերդում սրանց են միանում նաև տեղի ականավոր հայերը: Իշխանություններն օգտվելով հարմար այս առիթից, հանկարծակի բերելով, ձերբակալվում են բոլորին թվով մոտ 150 հոգի, որոնց 4 օրվա բանտարկությունից հետո, չեթների ու ժանդարմների հսկողությամբ, իբր տարվում են Կարին: Սակայն Դեբեճանի և Երզնկայի միջև, Սանսարդարա կոչվող ձորում բոլորը կոտորվում են(1,273-274):

Դա ջարդն սկսելու ազդանշանն էր:

Ռազմավարական հատուկ նկատառումներից ելնելով, համիդեական գնդերն ու խուժանն իրենց հարձակումները սկսեցին զավառի արևելյան կողմից, որպեսզի կտրեն հայերի գաղթը դեպի արևելք, որտեղ տեղակայված էին ռուսների դիրքերը:

Հարձակումը սկսում են մայիսի 1-ին Գովանդուկ և Սալուորի ուղղություններով:

Գովանդուկ գյուղը գտնվում է Խնուս գետից ոչ հեռու՝ գեղատեսիլ մի դիրքի վրա: Նրա և Բուռնազ գյուղի սահմանների հարթավայրի ստորոտով անցնում էր ստորգետնյա մի գետ: Այս գետի ջուրը տեղ-տեղ հայտնվում էր, սակայն առանց հորդելու և հուններից զատվելու գնում թափվում էր Արածանի գետը:

Գովանդուկը բաղկացած է եղել 120 տուն հայերից(1,48): Կան նաև այլ տեղեկություններ: Մ. Միրախոյանը նշում է, որ Գովանդուկն ունեցել է 90 տուն՝ հայ բնակչություն(2,160), ըստ Գ. Էփրիկյանի՝ 80(3,52), ըստ Ա-Ղոյի՝ 120(4,185), ըստ արխիվային փաստաթղթերի՝ 80 տուն, 1003 շունչ հայ բնակչություն(5):

1915թ. մայիսի 1-ին Գովանդուկ գյուղ են գալիս քուրդ համիդիները՝ գլխավորությամբ Խալիլ բեյի, Սատի աղայի ու նրա զավակների: Նրանք իբրև հյուր իջևանում են հայոց տներում: Սակայն հանկարծակի բերելով հյուրն-կալներին՝ սկսում են ջարդի և ավարի ենթարկել գյուղը: Կարճ ժամանակ անց սրանց օգնության է հասնում գյուղի մերձակայքում գտնվող քուրդ խումբանը:

Հայ գյուղացիներից կազմված զինյալ մի խումբ, ղեկավարությամբ գյուղի ռես Միերի որդու՝ դաշնակցական Ղավթի, Մալխասյան Համազասպի և Ինչակյան Ալեքսանդրի, իրենց ձեռքն են առնում Գովանդուկի պաշտպանությունը: Հայ զինյալները դիրքեր գրավելով, օրհասական պայքար են մղում համիդիներին և խումբանի դեմ: Այստեղ Միերի Ղավթի գնդակից տապալվում է այդ օրերի մեծ հայահալածներից մեկը՝ Խալիլ բեյը, որը քուրդ ջարդարարների մեջ համիդիե պարագլուխներից էր: Խալիլ բեյի մահը խումբալ է գցում քուրդ զինյալների շարքերում և նրանք սկսում են նահանջել Գովանդուկի սահմաններից դուրս:

Քրդերի նահանջի առիթից օգտվելով՝ զինյալ հայերի պաշտպանությամբ՝ անգնեն ժողովուրդը սկսում է նահանջել դեպի Խարևան գյուղավանդ՝ Ղարաչոբան:

Քրդերը տեսնելով, որ գյուղը սկսում է դատարկվել նորից անցնում են հարձակման:

Կատաղի պայքար է վերսկսում: Քրդերը գրավում են գյուղի մի մասը:

Կռիվը շարունակվում է մինչև երեկո: Մութն ընկնելուն պես հայ զինյալները թողում են գյուղը և բարձրանում մոտակա Գոգալբաթա սարը: Այնուհետև բոլոր նրանք ուլքեր չէին հասցրել լքել Գովանդուկը՝ ենթարկվում են կոտորածի: Վերջապես գյուղն ամբողջությամբ թալանվում է (1,275)...

Գովանդուկցի Քարամ Միերյանի անտիպ հուշերում կարդում ենք. «1915թ. մայիսի 20-ին... ես անասուններին տարել էի դաշտ արածացնելու, իսկ ինքս խաղում էի գետի մոտ: Այդ լուրը ինձ բերեց հորեղբորս տղան, նա գոռալով ասաց. «Քարամ, անասուններին քիչ-բեր, քրդերի զինվորները գալիս են»...

...Գյուղում քրդերի դեմ կռվողների մեջ էին հայրս (Դավիթը), հորաքրոջս տղան՝ Համազասպը, Գալուստը, Միսակը, Ավոն: ... Ես թողի անասուններին և փախա գյուղ գնդակների կրակոցների տակ: Գյուղի մոտ հայրս հասավ ինձ, բռնեց ձեռքիցս և մտանք գյուղ: Գյուղի ժողովուրդը փախել էր դեպի Ղարաչոբան գյուղը: Քրդերը հարյուրներով էին գալիս: Ես էլ հորս հետ դուրս

եկա գյուղից: Խալիլ աղան իր ծին քչեց հորս վրա քրդերեն գոռալով. «Դավին թալին եղիր քեզի – կսպանեմ»: Հայրս կրակեց Խալիլի վրա նա ընկավ ծիուց անշնչացած: Սայիդն ու Սադին տեսան Խալիլի դիակը, մոտեցան, վերցրին այն, դրին ծիու վրա ու տարան: Այդ օրը կռիվ չեղավ»(6)...

Նույն օրը Համիդ բեյի հրամանատարությամբ համիդիե մի հեծելազունը շրջանի քրդական գյուղերից ժամանած խուժանի օժանդակությամբ հարձակվում են Սալուրի գյուղի վրա: Հաջորդ օրը մայիսի 2-ին նույն գունդը հարձակման է ենթարկում նաև Խրմխայա գյուղը: Այս երկու գյուղերում էլ Համիդ բեյը հայերի զինված դիմադրության է հանդիպում, որի արդյունքում անգն ժողովրդի չնչին մնացորդներ հասցնում են փախչել Ղարաչոբան: Խրմխայացի զինյալները բարձրանում են Գոգալբաբա և միանում գովանդուկցի քաջերին (1,275): Այնուհետև այս երկու գյուղերն էլ ենթարկվում են ջարդի ու թալանի... -

Քրդերի հաջորդ նպատակակետը Ղարաչոբանն էր գավառի ամենամեծ գյուղավանդը: Գովանդուկ, Սալուրի և Խրմխայա գյուղերը ոչնչացնելով Ղարաչոբանն ամբողջապես մեկուսացվել էր, ուստի այս ուղղության վրա մեծ ուժեր կենտրոնացնելով՝ համիդիե գնդերն ու խուժանը մայիսի 2-ին պաշարեցին այն:

Ղարաչոբանը գտնվում է ընդարձակ մի բլրադաշտի վրա, հսկուս գետի ափին: Սահմաններն ընգծվում էին Սպիտակ սարի, Գոբալա-Գետուկի, Գոգալբաբա և Հազրբաբա լեռներով:

Հաստատված էր հեռագրատունն ու նամակատունը: Ղարաչոբան գյուղն ուներ 220 տուն բնակչություն(1,48): Այսպիսի տաղեկություն է մեզ հայտնում նաև Բնակչության թվաքանակի մասին կան նաև հետևյալ տվյալները. Մ. Միրախոյյանը հաշվում էր 150 տուն(2,160), Հ. Եփրիկյանը՝ 1903թ. 136(3,52): Ըստ Կարինի առաջնորդարանի վիճակագրության, 1895թ. գյուղն ունեցել է 220 տուն, որից 170-ը հայեր էին(4,185):

Ղարաչոբանը «*Մահիե մյուղուրլիք*» էր, այսինքն մյուղիրի նստավայր: Ուստի այստեղ ջարդի դեկը ստանձնել էր մյուղիրը Մուստաֆան: Սրան աջակցության էր եկել գավառի ոստիկանության մի վաշտ՝ հիսնապետ Օսման չաուշի (հետագայում վայրագ մի ջարդարար) ղեկավարությամբ: Մյուղիրին իրենց աջակցության ձեռքն էին մեկնել նաև հեռագրատան պաշտոնյաները և օրեր առաջ գյուղ հրավիրված, Լաքբուդաղ գյուղի չեթենները զխավորությամբ Մոռոյի ու Սևթինի(1,276):

Շրջակա գյուղերի դեպքերը որպես պատրվակ ընտրելով՝ մյուղիրն իր մոտ է կանչում հայ համայնքի երևելիներից մի քանիսին, որոնցից էին Հազրոյի որդիքը Իսրայելը (գյուղի նախկին մյուղիրը), Գասպարը, Կիրակոսը և Զաքարյան Եղիշեն: Վերջիններիս մյուղիրը հորդորում է, որ համոզեն հայերին ցած դնել գեները, և որ որոշակի կաշառքի դիմաց բոլորը կստանան իր հովանա-

վորությունը: Հակառակ դեպքում, սպառնում է, որ բոլորը կհայտնվեն այն դրության մեջ, ինչպիսին այն գյուղերն էին, որոնք դիմադրություն էին ցուցաբերել: Հայերին դեպի զինաթափություն հորդորելուն զուգընթաց, մյուսից հրամայում է համիդիեներին պաշարել գյուղն ու անցնել հարձակման(1,276):

Մյուսիցի նյութած դավը նկատելով, Ջաքարյան եղիչն փախնում գալիս է հայ զինյալների մոտ: Այստեղ գյուղի պաշտպանության ղեկավարությունը ստանձնել էր Տերտիրոջ Սիմոնը, նրան աջակցում էին Համազասպը, Շապուր, Պուտաղի Տիգրանը և ուրիշներ(1,276):

Հարձակումը տեղի ունեցավ կեսօրին: Կատաղի կռիվ սկսեց: Առաջին հաղթանակն արձանագրվեց հայերի օգտին:

Պարտված համիդիեներն ու քուրդ խուժանը 59 սպանված թողնելով մարտի դաշտում, դիմեցին նահանջի: Այս իրողությունից ցնցված մյուսիցն ու հիսնապետ Օսման չաուշը, տեղնուտեղը սպանում են Հագրո Իսրայելին ու նրա եղբայրներին, ինչպես նաև իրենց մոտ ապաստանած բոլոր անզեն հայերին, իսկ չեթեն Սոռոյին ու Սևտիմին հրամայում են ջարդել բոլոր հայերին(1,276):

Կռիվը վերսկսում է: Թեպետ քրդերն ամեն կերպ ջանում էին ձեռք գցել անզեն ժողովրդին, սակայն հայ զինյալներին հաջողվեց դիմակայելով հակառակորդի կատաղի գրոհներին՝ ապահովել ժողովրդի նահանջը դեպի Գոզալբաբա (1,276):

Մայիսի 3-ին խնուսի ծայրագավառի գյուղերից Գոբալի վրա հարձակումն իրականացրեց իսլաչի խալիլն, իր ձիավորներով: Սրանց առջև դիմադրության ելած հայերի ղեկավարներն էին Կարապետի տղա Մովսեսը և Տեր Ավատիսի երկու որդիները՝ Միսակն ու Սեթրակը: Անզեն ժողովրդի մի մասին հաջողվում է փախչել Աճնու տղաների՝ Բաբայի և Ռաշիդի գյուղերը, իսկ զինված խումբը կռվելով բարձրանում է Գոզալբաբա լեռը և միանում Գովանդուկի ու Ղարաչոբանի զինյալներին, որոնք մոտեցել էին Գոբալի մատույցներին(1,277):

Գոբալից Տոբախան և Քեշիշան գյուղերի վրայով անցնելիս վերջիններս հանդիպում են խալիլ բեյի համիդիեներին և կռվի բռնվում նրանց հետ: Մեծ ջանքերով հայ զինյալներին հաջողվում է դիմակայել հակառակորդի գրոհներին և անցնելով ռուսական գիծը, նրանք միանում են հայ կամավորական խմբերին:

Այս կռվում սպանվում է Գովանդուկի ռես Սիերի որդին Դավիթը (հին հեղափոխական, և 101 տարվա ազատագրված վճիռով Կարինում բանտարկված, այնուհետև 1908թ. սահմանադրությամբ ազատ արձակված) (1,276):

Հետագա օրերին ջարդի ու նախիրճի են ենթարկվում նաև խնուս գավառի մյուս գյուղերը:

Մայիսի 4-ին Գարաբյուրու գյուղի վրա հարձակվում են Իկիթի Յուսուֆ աղան և Խալըթ բեյը իրենց ձիավորներով (1,276): Նույն օրը հարձակվում է լիւնում Դուման Մարութ, Շաբաղին գյուղերի վրա: Հարձակումն իրականացնում են Շահո Խալոյի որդիները՝ Թաժտոն, Համզոն և Եղբայրը Մոստկոն ու Ալին (1,278):

Մայիսի 5-ին Աղջամելիք գյուղը պաշարվում է հասանցի աշիրեթի քրդերի կողմից: Այստեղ գրեթե բոլոր հայերը կոտորվում են (1,278): Նույն օրը Բումնազ գյուղում հայերի հանդեպ մախիրոն իրականացնում է հասանցի աշիրեթությունից Աբդուլ Մեջիթը (1,278):

Մայիսի 6-ին ջարդվում են Խաթ, Ենիքոյ, Եղդուլու, Գասպարի գեղ գյուղերը (1,279): Նույն օրը Խոզլու գյուղի վրա հարձակվում է Յուսուֆ աղայի որդիքը՝ Ֆեզլին ու Մոռոն՝ իրենց հեծյալներով (1,279):

Նույն օրը Քաղքիկ գյուղը ջարդի է ենթարկվում Ջիբրանցի քուրդ աշիրեթապետների կողմից՝ ղեկավարությամբ Մելիմ բեյի և Սատի աղայի: Ջարմանալիորեն Քաղքիկը, ինչպես նաև Խաչալույսը ոչ մի դիմադրություն ցույց չտվեցին, չնայած որ երկուսն էլ հայտնի էին իրենց հեղափոխական փորձառու հայդուկներով (1,280): Այս օրը ջարդվեց Ելփիսը՝ գյուղի աղա Շուքրիի ձեռով (1,280):

Մայիսի 7-ին Խաչալույսը ջարդվեց գյուղի աղա Սաթիի և մյուզիրի Մուստաֆայի ձեռով (1,281): Նույն օրը ջարդվեցին նաև Չավուրմե և Գաբրիելի գոմ գյուղերը (1,283):

Մայիսի 8-ին Արոս գյուղի վրա հարձակվում են քուրդ համիդիեներն ու չեթենները (1,283):

Մայիսի 9-ին հարձակվում է տեղի ունենում Սարլու գյուղի վրա (1,283): Նույն օրը Յահյա գյուղը ջարդվում է Խուլի Խան բեկի գլխավորած համիդիեների կողմից (1,283): Այս օրը հարձակվում է տեղի է ունենում Էաև Հարամիկ գյուղավանի վրա (1,285-296):

Շուրջ 10 օր տևած կռիվներից հետո գավառի հայաբնակ բոլոր գյուղերը մնում են անհայ: Խնուսում, լուրջ ինքնապաշտպանական կռիվներ են տալիս Գովանդուկ և Ղարաչոբան գյուղերը, ինչպես նաև Խըրմխայան, Սալդրին և Գոբալը, որտեղ զինյալ խմբերի պաշտպանության ներքո անգնե ժողովուրդը հասցնում է փրկվել: Ինքնապաշտպանության առանձին գործողություններ թեպետ տեղի են ունենում մի քանի գյուղերում ևս (Խոզլու, Ելփիս, Խաչալույս, Արոս և Հարամիկ), սակայն դժբախտաբար դրանց արդյունքում քչերին է հաջողվում փրկվել:

Մայիսի 10-ին, համիդիեներն ու քուրդ խուժանը Խնուսի դաշտի հայկական գյուղերը ամբողջապես ջարդելուց ու թալանելուց հետո վերջին

անգամ փորձ են անում հարձակվել խնուս բերդաքաղաքի վրա: Սակայն կառավարության պաշտոնյաները և քաղաքի բեյերն ու աղաները, Բերդի հայց ստացվածքը համիդեականներին և թուրք խուժանին կեր չընկնելու միակ մտահոգությունից դրդված արգելում են նրանց քաղաք մտնել(1,296):

Այսուհետև, կառավարությունն ինքն էր կողոպտում հայերի ինչքը: Եվ վերջնականապես հայերին հարստահարելուց հետո, սկսում է կազմակերպել տեղահանությունը: Տեղահանությունը բացատրելու համար մուսնեթիկ է կանչել տալիս հայտարարելով, որ հրաման կա, թե ապահովության համար հայերը պիտի ուղղարկվեն *Վերան Շահիր* և, թե ժանդարմները նրանց ճամփին պիտի պաշտպանեն: Սակայն, երբ կարավանը հասնում է Վարդոյի շրջանը, քրդական Բազկան և չերքեզական Չարպուհոր գյուղերի սահմանների վրա, *Չոռ ու Չաթ* կոչվող կիրճում, Արածանի գետի ափին, հարձակման են ենթարկվում այդ շրջանի քրդերի կողմից, որոնք և կարավանին ընկերակցող ժանդարմների ու չեթենների հետ միասին, սոսկալի կերպով կոտորում են բոլոր հայերին(1,297):

Բերդի բնակչության տեղահանությամբ, օսմանցու յաթաղանը խնուս գավառի հայկական բնաջնջումը ամբողջական է դարցնում ավերակ ու ամայի թողնելով, դարերով չեն ու պայծառ *եղենի Այգին*:

XVIII - XIX դդ. գրեթե զուտ հայաբնակ խնուսի բնակավայրերի զգալի մասը թեև XX դ. սկզբին գրկվել էր բնիկներից, սակայն 1914 թ. հայերը շարունակում էին կազմել տեղի բնակչության շուրջ 50% -ը (ավելի քան 26 հազ. մարդ, ամենամեծ էթնիկական տարրը): Հայաբնակ էին ինչպես գավառակենտրոնը՝ խնուս բերդաքաղաքը, այնպես էլ՝ գավառի ամենաբազմամարդ ավաններն ու գյուղերը: Քրդերով զբաղեցված բնակավայրերի հիմնական՝ մասը հատուկենտ ընտանիքներ պարունակող ազարակ-մեզրեներ էին կամ գոմեր(7):

Խնուսի 25000 հայությունից ջարդերից փրկվում են միայն մի քանի հազարը (3000-ը), որոնցից հարյուրավոր երիտասարդներ ռուսների գրաված գոտին մտնելով, որպես մարտիկներ, անմիջապես միանում են հայ կամավորական խմբերին(1,298):

ԾԱՆՈԹԱԳՐՈՒԹՅՈՒՆ

1. Տես Ե. Մեկրյան, Հարթ-Խնուս, Բեյրութ, 1964, էջ 269:
2. Տես Մ. Միրախորյան, Նկարագրական ուղեորութիւն ի հայաբնակ Գաւառս Արեւելյան Տաճկաստանի, Խ. Ա. մ. 3, Պոլիս, 1885, էջ 160:
3. Տես Հ. Էփրիկյան, Պատկերազարդ բնաշխարհիկ քառսրսն, պր. 1, Վենետիկ, 1990, էջ 52:
4. Տես Ա.-Պ. Վանի, Բիթլիսի և Էրզրումի վիլայեթները, Երևան, 1912, էջ 185:
5. Տես ՀԱԱ, ֆ. 476, ց. 1, գ. 233, ք. 112:
6. Տես Քարամ Միեռյանի հուշերը, անտիպ, (հեղինակի անձնական արխիվից):
7. Տես Խնուս գավառի քարտեզը, հեղ. Գ. Բադալյան: